

關所止指是九指是斬也以一命而救得十命謂之倍功救數滿三千白日昇天註風按晉書神靈異記曰許遜身為旌陽縣宰而學神仙禹步之道忽蜀山大蛇三條漢江毒蛟六條共蛇為祟與人前後橫江截嶺捉人為食上天知關避法成禹步躡跡配轉天關救而殺之不過九物之命而救者十萬餘人此蛇作夢於晉武帝臣今食江淮人十五萬人也晉帝大驚不逾二年遂獨獲斬遂殺封瑾正朝宰相固讓不受地府書奏天曹天曹奏上帝太平金闕後聖玉皇上道君遣使下迎賜蓮白日昇天家口搬宅而去也此之故殺而无罪却獲陰功又或有精妖祟人累代皆結縛不斷或是陰精邪祟疾病人口宅舍不安人多疾患代代不休者此准

太上老君符命與符治病者得差轉配天關遙指之九度并救六甲中某日直官名從官人數直符吏等名急急催促如此治病符能變為神為吏斬彼妖祟而其病立差如此之功上天為上上玉帝遙喜秘之勿妄用

右六甲陰功三條餘七條在第十四卷

金鎖流珠引卷之十七

正一天師清微弟子 洪百堅 製作



金鎖流珠引卷之十八

言八

中 華 仙 人 李 沐 風 註

六甲陰功下

第四條陰功老君曰夫學道之士於世修行之功道法精能符力成就忽有百姓及官人被時行瘟毒瘴氣疾病染者死傷可以捨瘟鬼目禹步九跡三步配天關指某方某方是病人居處三度然後與符帖一一救之立差其家有十人三人四人五人見染頭重欲死者與符吞之立差未病者帶一符令共一牀坐卧悉不相染易永令病者得差不死未病者不相染易一家有十人得十功一家二十人得二十功此符法陰功之大也秘之勿妄傳非人言功十條此條要驗并後聖君授章於六甲及六甲夫人章在流珠上篇後聖君告天師道陵六甲之中十條言功治除瘟鬼救人條其功甚大卿可自身及弟子觀世人中有被者急與治之世人甚畏此疾卿能救之萬民喜歡皆言功力微妙可以聞於上天

一生身障之罪應言消滅可實而秘勿傳非人昔張天師未行此術之前中國人民往彼故師求治往彼者皆滅門非呪術小小力之所能及也註昔西國胡人師第三人入中國呪此鬼此鬼不伏行亦衝殺其師第三人具流珠中篇其述不復重耳其瘟鬼訣自在左手第四指第三節瘟鬼訣目節上右邊欲近指甲是瘟鬼刀支註拾鬼目鬼自伏走去拾鬼刀支鬼三日而死大驗昔左慈字元放江東人善禁鬼觀文帝問之詔禁瘟鬼鬼知來哭而相謂曰江東左君以銅爪擒我目我當去耳不去欲以刀刺我當即死大哭而俱去三日之內宮中病者差不病者永健不相染易也太上老君授八變錄中有治鬼符吏存之如圖符瘟鬼自走不走即死大驗能助陰功

如有久染邪疾纏綿昏沈之者十年五年此是老精鬼魅狐狸鼠獺之精以符帖追斬之无妨救一人是一功誅一精是二功誅之法以躡地紀飛天綱各一遍散九跡禹步一遍配衣七星轉天關而指某鄉里某人家三六九指即存中下元六將軍往彼人宅上放水放大領兵三十萬衆出如圖到彼如中元三將軍在流珠經圖中存到門捉鬼收誅之大叫遠宅往往如此三度思存其精自死疾病便差此陰功亦可為大世人敬愛

第六條陰功修行之人功力已備坐救千里可能以符救人征伐帶之於人身上辟去刀劍不傷害已者可取六甲日呼六甲之神步禹步三步九跡以配衣手指之三下即給行軍火符與帶永不被賊傷害此身也如若是大將軍求欲為國殺滅彼賊衆即與之萬勝神符與帶之能使刀劍不能傷害欲令帶符軍強為國者可以步地紀九過天綱三遍散禹步九跡三過十二跡三過十五跡三遍訖配衣轉天關指之法望彼賊之方指之九過

檢彼方人刀支註看賊在東方木人刀支西方金人刀支南方火人刀支北方水人刀支四季土人刀支一云亦隨方配金水木火土用之亦得此兩法同前并隨方用水灑之彼衆自敗此法要秘不可妄行前聖君出此法者所以救有道之子難并助有道之國難不可輕用非子之命立在須臾前聖君又告雄黃赤色者書大劫二符符在立法中故不具又書入軍符及六甲陰符六通帶之入兵馬不傷一符在流珠中外篇兵法中

第七條陰功天久雨不晴百姓頻被災潦傷損州縣鄉里人物漂損者可以夜於隱密之室躡地紀三遍飛天綱三遍訖散為禹步九跡至十二跡十五跡配衣轉天關三指黑雲暗處三度訖便出符牒彼社廟限某日某時晴即晴捨龍目註目在左手第一指第二節上左邊近爪甲邊急捨之也


第八條陰功天久不雨亢龍所為百姓種植焦枯田苗焦死若此的非天命令旱者註天令旱不可妄為損龍之命上天賜龍罪應時

天誅也前帖土地龍神所為不肯行雨者即
夜於中庭无人之處步地紀天網各三遍散
為禹步三步九跡三遍配衣轉天關三指深
水之溪潭註潭中計合有龍有神靈水府之
神即得當時應驗雨下速於水火之急也平

巨書直日符及九龍水符連牒牒土地社廟
註古无城隍今事須先言城隍神官及地界
社廟水府靈官與直日神官集眾令便畫時
下雨急急如律令所由神官速畫時下雨約
限若干日內通潤百川應口手之驗

老君曰吾授此法於世流行以與修行志道
之人出世救人以著大功救得一天下人物
皆得安心喜樂者也不可思議永此功德進
益仙階此第八條中一切聖真皆久以留心
志學學得此法積功易滿是還門得道也後
聖君授告龍符三道二道是六甲籙中直日
神之符註在六甲籙中用檢取一符正告龍
符以依法行之速於水火

告龍符



右使龍訣在左手第二指第一節是也

太上老君曰夫人學道之驗者未能知此使
神役龍伏鬼之法去道漸遠不可妄行其道
佐佑人身吾見今時學道之人唯以聲像為
道註風見上古无為之教今正入有為今人
聞聲耳目俱友誠見像心神俱起信誠歸心
雖一時起善不合道源與道俱非徒修造彌
天積山之功身老自欺而救故上智之人不
以聲像為救故是小人嗚呼之功徒行於世
也以識性為德註老君此言訓學者言當今
之人以強作知識之性真名有為德之心不
是无為之德性也終老一生虛以困苦求修
如此之人世間論萬无一成吾常歎此故留
陰功之條有十此條為上昔齊帝時天早一
百日帝命羣臣乞雨五十日中曝人以渴

乏死者甚多廣遍九州山熱草死石同火炭
不可立人忽有二仙人因行之次歎曰此等
何人為此苦熱中作樂何也對曰請乞雨降
仙人曰雨是龍行豈關人請官人對曰請龍
下降乞行雨也仙人曰子見龍識否曰識子
既道識龍龍在何處不請行雨於是官吏一
時下拜請示龍仙人忽爾以手指一人脚龍
行虎步註手指是轉天關也脚為龍虎行步
即今之禹步行三遍訖叱叱何不行雨是時
龍走起拜拜訖曰天不許行雨一百八十日
甚早兩度潛行救人皆被地府欲奏此度不
敢行行即被奏聞上帝必天符下誅龍身
仙人即覓紙筆書天符帖社廟神官與龍
同行雨當時社廟神龍領得符帖應時行雨
雨限一日內限足註按限一日內足此法太
辛苦龍神急切行雨須以狂風白雨吹拔樹
木此仙本意潛行雨須令急速恐天禁雨潛
行取過罪任責龍如上帝不責龍即得命如
責龍恐損也此時不責為是仙人慈悲救一
切世界人之故不責龍罪却得責社廟及龍

神八部江海水府靈官眾得遷階龍來一一謝此仙人今若得此道但限三日五日內雨足却為大功神龍人俱喜依限雨足須還賞其功效決在法師以量功舉可賞酒樂後有三會日別表醮言功註有一法不藥但上言功章狀此不可也其三會日是大醮日合設將軍吏兵之日如世天子命諸侯臣某領三軍相似每年事須春冬二時設不可不為不為建國之命今此三元籙總取三元日醮弁與一狀與言功即得不必要須奏章事事恐願上帝道君第九條陰功太上老君告方諸男真王方平韓非正女真李夫人王夫人紫微夫人等七十二大真人曰夫世有志人修行陰功其大者莫過救人濟貧喜神理墓修墳註理墓者昔黃帝因巡於太山路有埋屍被水衝地以崩裂中有數千露曝屍骨帝見命以衆民一一與救救隔地以高山取不種之地深孔而埋之墓土高三尺名之曰墳也因此之後世人以學黃帝此埋葬法四片大板隔四邊土一片大板當上蓋之此是造塚

之法也乃至今人以棺器為板柩轉加新奇號曰墓後墓中有一千餘人來見謝言曰陛下治人有道治鬼有德今臣某等約有一千七百餘人伏蒙陛下賜天恩為屋蓋若得免其等曝露屍骨某等昨日已上天曹通辭言蒙陛下賜恩移埋屍骨之功天曹與為倍功之數從此之後四十五年白日上昇雲天當為上等真仙也後果如所言獲感通神註黃帝本章出從立塚深埋死人之法教世世人學之徒以功滿滿世神鬼喜歡人死之後或精魂強習者得為天神地神社神從神不強者為鬼鬼中亦有上中下三等之號上等鬼以福祐人善行報人之德中等鬼不以福祐人亦不以禍加人如此二等早得託生於人天之報名善鬼太上喜念之不令受通法錄之人所攬恐其鬼失生天之路下等鬼常以行禍害集人行喪窮於人世太上復聖二君大責責之帝令受通之人以法訣救而誅之一被通科之後鬼魂入北帝幽獄繫連年不決斷縱得決斷不得人身託生唯准天

科以託生為毒蟲蛇蝎之類百死十生不獲人身人龍慶賀百川靈獸獻上瑞圖四海龍麟進於珠玉豈非帝行陰功之德感通也又老君告苦行真人郭晉卿等曰卿行苦行救人莫過種福果熟於後人賜寶賜薪給於見乏如此之功可大可驗得道也又以燒鍊銅鐵而作假色金銀須薄取半直註半直真金十貫一兩假色者本是銅鐵而一兩可於半中取半則二十五百價一兩而上亦屈於本人不可妄為而此法是前聖後聖教有通之士為之者供自身衣履及家口等并以布帛作衣服於路詐作遺失之衣服將布袍貧病之人以水陰德之福昔有數真人為此之行給身家之用兼救貧病此亦為大功不可妄感於世稱為真金重計珍寶高價誑惑世人之忠乎者如此之罪甚深不可更寬陰功之報慎之註昔陰長生假金錢故作遺失以救貧之往往如此以獲陰功也今人妄以將此通誑惑平人云燒得此金為藥天下奇絕堪為仙藥豈有仙人行此於世且仙人皆受輕

身之法可以意量肯食金石之藥輕身飛騰
甚失見也

第十條陰功雜言真人行陰功及師弟行陰功之德

金鎖流珠引卷之十八

金鎖流珠引卷之十九

言九

中 華 仙 人 李海風註

六甲陰功下之下

老君告東來子曰註東來子是為之子學道

不行陰功唯行陽功心巧好造樓於空野
之地上像道家形影欲將此為一生之德欲
乘此功德圓身得道稱我造十萬餘功合符
大仙一旦忍二冥使追赴太山門下被問何
因造臺安救生命祭於川野之鬼牛猪羊驢
數十頭足而言汝也汝答承伏殺他我即出
汝之罪若不伏即當禁身貴問為汝父理水
有功今為太極真人不可見受殺生之罪我
當為汝滅父之福以當救汝得救當歸世俗
作陰功過度他生命即得成人百劫千主不
復來寬命也來子應曰承伏罪推官果與諸
太山君君放即運死經七日而復活後常以
直心不害物命常以已財奉贖命死者生命
故之無限往往如此或以人禁繫鳥獸常行
歡心令放或以施食及衣於禁獄之囚如此

三十年間先救者牛羊猪驢馬畜等總記生
為人永無怨對如此之小功若上感太上老
君示見正說陰功行步履天地綱紀之法施
此六甲之功一旦忽通神威感天地驚動人
物仙人也老君再降賜告大陰功卿立身先
是好起樓臺殺生祭祀神鬼將此以欲治身
求真其前註既因冥使告知今心知悔過今
當正教子著陰功功之有十一則服六甲真
符以治身疾二則真心不損不害不殺不傷
不邪不淫註自有妻妾不令妾更使淫他人
也不妄不佞不盜去九等之惡為九等之善
一慈二孝三心有敬四身有禮五行仁德六
少言語七不為人之先已雖大於彼人亦須
先讓也為先不損於己之德也八不妄害鬼
神九常懷學道得道後救度一切人物註昔
嚴清常以燒炭賣與貧者減三錢四錢一秤
或以見之者與之一秤二秤如此三十餘年
一旦有五女下授十卷符籙六甲為先令清
既受一分付教以修行六甲符籙對曰清
不解書玉女曰猶解九等陰功何不讀書學